

跋十老圖

十箇閑人閑又清清閑眼看甚分明教君試向閑中坐閑裏功
夫是怎生

礬山先天觀住夏因時勸眾

西南仍有大兵荒東北安居夏月涼宜向此間行吉善勸修道
德熱名香

又

大劫紛紛到處荒幸然此地得清涼勸君加志修真福漸覺無
爲清淨香

又

道藏輯要

葆光集

九

胃集十

會從先師歷大荒歸來惟喜此清涼干戈未息先康泰蓋爲人
淳德行香

又

人人未悟性多荒安得逍遙心地涼識破機關歸物外自然道
德自然香

又

鍊性通真意不荒任教造物變炎涼功成跨鶴歸蓬島留得高
名萬古香

別礬山道友

物外逍遙遠世魔無爲無作保清和我來幾度人情熟大理推

窮善者多

又

抱一無離物外遊飄飄獨駕大神舟茫茫苦海人無數誰肯灰
心上釣鉤

又

忠言普勸早回頭勸不回頭陷九幽大聖無由提得出目前認
正早吞鉤

詠先天觀殿後湧金池作木牌於池面戒物觸穢耳

滾滾靈泉歲月深分毫垢穢莫教侵世人只見無涯水唯我看
時不盡金

道藏輯要

葆光集

辛 胃集十
八八上

道過燕臺清水村馬公宅宿滯雨

扶風邀我動天心一夜雲生雨作霖萬物西成將有信千金難
買一知音

述懷

學道年深始得成一番魔過一番新頻逢魔處心休變魔盡才
明一點真

又

七真修德動天顏一舉玄風過玉關水調歌頭明有驗大開門
戶倚燕山

崑州赴供三絕